



UNIVERSITÄTS-  
BIBLIOTHEK  
PADERBORN

**Henrici Canisi[i] Noviomagi, Belgæ, Jn Academia  
Ingolstadiensi SS. Canonum Profess. Ordinarii & Primarii,  
Opera Quæ De Ivre Canonico Reliqvit**

**Canisius, Heinrich**

**Coloniae Agrippinae, 1662**

In Cap. Fraternitatis 17.

---

[urn:nbn:de:hbz:466:1-62169](#)

putari, quod scilicet falsò deposita sint, vel contraria, vel impertinentia, trahi non debet ad ipsas personas testium, quæ post publicata eorum testimonja amplius refutari non possunt, tamquam antè ab irraque parte probatae dum ad iuramentum admittentur. Exceptis tribus casibus, qui habentur in c. *Præsentium* & *hoc tunc*. Primus est, ubi pars offert juramentum malitiae, hos est, quod jurare velit, sc̄ non maliciose opponere

contra personas testium. Secundus est, si ante publicationem testimoniorum protestatus sit se servare exceptiones suas contra testes. Tertius, si probare potest, se exceptiones suas, quas jam prætendit contra testes, antea non habuisse. Quamvis in Camera imperiali praxis d.e. *Præsentium* non observetur, quā contra personas testium etiam publicatione factā indistincte objicitur. Gail d. Obs. 105. in fine.

## In Cap. Fraternitatis 17.

## SUMMARIUM.

1. Summa & causas Cap. hujus.
2. Ordo iusticiæ in lituendi.
3. Conclusio in causa quo modis fiat.
4. Terminus ad probandum an & quando protracti possit.
5. Appellatio à sententia definitiva via & effectus.
6. Exceptiones in priori instantia propositæ an de novo probari possint.
7. Testis juratus deponere debet.
8. An si juret post depositionem valeat testimonium.
9. Nobilis in Bohemia, Austria & Bavaria sine iuramento corporali deponunt.

**H**æc Decretalis, censore Baldo his impr. elegans, utilis & subtilis est, cuius & iententiam ipse in hac summam contraxit. In causa appellatio, etiam si ait in prima instantia, id est, iudicio, conclusum sit, & renuntiatum ulteriori productioni testium, licitum est super novis articulis tam alios testes, quam veteres producere. Facti species hæc singatur. Sempronius ex causa mutui convenitus a Titio adserit se huic mutuum soluisse: cuius probandi causâ testes produxit, & utrumque factâ renuntiatione ulterioris probationis, fertur sententia contra Sempronium. At hic appellat ab hac sententia, omnissaque exceptione solutionis, recurrit ad aliam exceptionem pacti de non perendo, vel juris iurandi à se præstiti, quod nihil deberet, etiamque exceptionem coram Judice appellatio, opposuit Titio. Quæritur igitur, an ad probandum hanc novam exceptionem testes produci possint, non obstante renuntiatione testium in priori instantia facta. Cui respondeat hic S. Pont. quod non solum Sempronius novos testes, sed & veteres, quibus ad probandum solutionem antè usus fuerat, inducere possit, præstito tamen à testibus iuramento.

Ut autem decisio hujus Cap. plenius cognoscatur, quædam altius repetenda iunt, quoad iudicij ordinem: qui hic est, ut post citationem factam reo libellus offeratur, qui a cloris petitionem continet, Auth. Offeratur C. Delictis confess. Deinde præstetur satisfactio, præsertim a reo, quod in iudicio usque ad finem litis perire verabit, ne tergiversando eludat Jud. cium, & sed hodie In istis Dejurationib. A qua tamen reus relevatur, si bona immobilia possideat, ex quibus satisficeri posset actor, l. Scindum 15. D. Qui satisfare cog. Tertio, ut exceptiones declinatoriae iudicis, hoc est, contra personam iudicis, ante omnem actum iudicialem opponantur: aliæ censevitur reus in iudicem consentire, & prorogare eius iurisdictionem, l. fin. C. De exceptionib. Quartò, ut fiat litis contestatio per contradiccionem rei conventi, simpliciter negantis factum, quod proponit actor in libello suo. Quinto, ut post licet contestationem præstetur iuramentum calumpniæ, si a parte petrum fuerit, quod scilicet actor noui calumniandi animo agat; & econtrâ reus, quod paret se iuste resistere actori, opinione iuri sui, l. 2. Epitomati. Dd. C. De iure iuris proper calum juncto c. i. §. 1. eod. tit. in 6. Hinc sexi ò devenitur ad probationes, ad quas inducendas datur à Judice dilatio. Ito tit. sup. & in C. De dilat. quâ clapsâ, si probationes factæ sunt, potest altera pars instare, ut fiat earum publicatio, idque in eum finem, ut si forte quid sit, quod reus redargueret potest, id opponat, & In causa 16. hoc tit. Denique ad conclusionem in causa proceditur, id est, finis imponitur omnibus probatio- nibus. ¶ Quæ conclusio tribus modis sit; aut per renuntiationem partium, quando dicunt se nihil amplius habere quod proponant, ac proinde se concludere in causa, idque communiter solet fieri: aut quando à lege vel statuto certus

termi-

terminus probationis constitutus est, quem transgredi non licet; nam ejusdem termini lapsus loco conclusionis haberur. *Felinus in cap. Cum dilectus num. 10, inf. De fide instrum. veluti int. Proportionum C. De judicis.* Tertio fit conclusio in causa, cum ipse judex expressè præfigit terminum ad probandum; nam & tunc ex acto termino judex pronuntiat, in causa conclusum esse. Cujus hæc ratio est, † quia terminus ad probandum datus est peremptorius, neque amplius quam semel regulariter conceditur in causis civilibus, l. 1, C. De dilationib. & l. fin. D. De feriu. In causis criminalibus due dantur dilationes auctori, & tres reo, d. l. fin. Itaque conclusione in causa facta ad sententiam proceditur: hinc ad appellationem, & demum ad executionem sententie. Quæ hic breviter præmittere volui, latius verò persequitur Maranta, in *Praxi sua de ordine judiciorum p. 6.* And. Gail. lib. 1, Obseru. 48, cum segg. Vide, si placet, *Summam meam lib. 4. De judicis, cum tit. segg.*

Præterea in texu nostro, dum ibi appellatio-  
nis mentio fit, intellige de appellatione, quæ fit à definitiva sententia: cuius ea vis est, quod per eam omnia acta prioris instantie in pristinum statum reducantur, usque ad tempus litis contestata, quasi sententia lata non fuisset. l. Ita demum 13 & ibi Barr. C. De procuratorib. Ut hinc quæ in priori instantie proposita non sunt, vel non recte probata, proponivel probari possint in judicio appellationis, c. Cùm Iohannes 10, inf. De fide instrum. l. Eos qui 6, §. si quis autem C. De appellationib. & l. Per hanc 4, C. De temporib. appellat. Quare si nol quoque reseinditur conclusio in priore instantia facta, & novæ exceptiones in judicio appellationis recte inducentur, per hunc texum.

Sed quæ situm est, an ea exceptio solutionis, quæ in priori judicio agitata fuit, rursus in judicio appellationis tractari & probari possint. In qua re ersi addubitate videatur Panormit. in c. Cum venisset 25, num 3, hoc tit. tamen certius est, quod non possit, si testimonia prioris instantie cognita fuerint, ac proinde subornatio timeatur, ut diximus in e. In causis sup. eod. præterquam si appellans velit solutionem ante se allegaram, probare per instrumenta. Nam cum in instrumentorum productione nullius subornationis periculum sit, semper eorum producio admittitur, in quavis judicii parte donec in causa rursus conclusum sit, c. Cùm dilectus 9, inf. De fide instrum. Addit. Gail. lib. 1, Obseru. 105.

Quod verò in fine hujus Cap. subjicitur, ut testes, qui ad articulatum nostrum probandum adsumuntur, prius jurare debeant, id è pertinet, † quod nullus testis ad ferendum testimonium antea admitti possit, quād juraverit, cuiuscumque etiam sit dignitas, aut probitatis, e. Nuper 5, hoc tit. l. Iusflurandi 9, C. eod. nisi pars adversa ei remiserit juramentum, c. *Tuis questionibus*; 9, hoc tit. cùm tantummodo ejus inter sit, juramentum, imò & ipsum testimonium præstari, l. penult. C. De pactu. Excepta causâ matrimoniali, ubi de matrimonio separando, vel conjungendo agitur: quia hoc causa non tantum remitti non potest juramentum testi, sed & ex officio cogi potest testis a judice, ut & juramentum & testimonium præstet, propter necessitatem, de quo eleganter *Glossa & Fe- linus in d. cap. Tuis*.

Sed quid si testis non antea, sed post dictum te-  
stimonium præstet juramentum, ut memini me aliquando in facto vidisse, an ne valebit hoc testimoniū? Quod vix viderit, propter texum nostrum in fine & in d. l. Iurisflurandi in princ. & communiter receptum esse apud Doctores, testatur Felin in c. De testib. 29, num 5, h. t. tum quia id postulat natura & ordo judiciorum, ut scilicet testes primò jurant & deinde deponant: tum quia antea jurans rectius videretur dicturus veritatem, propter jura- menti religionem; sed postea jurato non item, ob verecundiam, si quid forte tempore juramenti mutare velit. Nihilominus contraria censeat Baldus & Gaspar Calderinus relati à Felino ibid. quod scilicet subfistat & hoc testimonium, dummodo incontinenti juratum fuerit post testimoniū: ut & receptum esse in Camera Imperiali tradit. And. Gail. lib. 1, Obseru. 101, num 9. Et ratio est quia ea, quæ incontinenti fiunt ipsis aucti inesse putantur, l. Iuris gentium 7, §. quinimò D. De pactu & l. Petens 27, C. eod. Neque movere prædicta ratio, quia cùm testis fecit se cogendum esse ad juramenti præstat: omen, præsumitur omnino ut juramenti subsequentis depositusse. 9

Potremò hic observandum est, quod in Bo- hemia, Austria & Bavaria consuetudine indu-  
stum sit, ut Nobiles sine corporali juramento per scripturam obligatam testimonium recte dicant, teste eodem Gail. d. lib. 1, Obseru. 110, in fine, cùm alias præsentia testium, eorum que ju-  
ramentum requiratur, ut antea dictum est, & est texus in l. 2, & l. 3, D. hoc tit.